

ARUBANSE COURANT

OPTIEK
Oranjestad
San Nicolas



Diario



pa Aruba



KONINKLIJK INSTITUUT VOOR
TAAL-, LANG- EN VOLKENKUNDE
VAN GALENENSTRAAT 14
B-GRAVENHAGE



The Beer That
Made Milwaukee Famous

ANJA 22

DIARAZON 5 DI OKTOBER 1960

Nr. 3855

DAG TA DESAFIA PROVO- CACION DI NIKITA

Gran ovacion pa e contesta dramatico

NAZIONALE UNI, New York. — Secretario general Hammarström a pone e premier di Rusia na su lugar, contestando e provocacion di Krutshof, si e tin curashi di tuma retiro. El a bisa „lo mi ocupa e puesto te dia cu mi termino caba”, mientras cu e organizacion ta deca esey“!

Secretario general Hammarström a sa afuera den Asamblea General, cu e ocupa su puesto te dia cu su termino di funcion caba. Si e miembronan di Nacionnan Uni no dicidi alzo. Su termino di funcion lo caba cu cuminsamentu di 1963.

Contestacion e critica di Krutshof pa su politiek, el a bisa: „Lo mi ocupa mi puesto durante mi termino di funcion, como sirbidor di organizacion na beneficio di tur e otro paisnan, mientras cu nan ta desea esey“! a acentua e palabra „nad“.

El a contesta e provocacion di Krutshof, si e tin curashi di tuma su retiro, bisando cu ta mas facil pa tuma su retiro cu pa e keda ocupa su puesto.

Mientras cu hopi hende a aplaudi Krutshof a bati riba mesa cu su dos oketanan. Hopi delegado no comu- nica a lanta para pa nan tuma aplaudi- ora cu nan a sinti atrobe. Krutshof grita algo, mientras cu el a tuma moketa pa Hammarström.

Hammarström a bisa: „Ta mas facil pa baha cabez pa deseo di un asamblea grandi. Ta algo otro si bo insistí e deseo ey. Manera tur miembro sabi bon, mi a haci esey hopi y cu hopi direccion. Si ta deseo die asamblea cu ta considera e organizacion como un mehor proteccion den mundo actual, lo mi haciele awor robe“.

Hammarström a bisa cu si e tuma su retiro den e circunstancianan difisil, e organizacion lo keda bando- na. „Mi no tin derecho di haci esey. Masobra mi tin un deber di respecta tur e miembronan pa cualnan e organizacion tin importancia decisivo“.

„No ta Rusia of un otro potencia grandi cu ta mester di Nacionnan Uni pa nan proteccion, pero tur e otro paisnan. Ta nan organizacion na prome luga y mi ta kere den e sabiduria cu cual nan lo usale y dirigiele“.

Oranjestad a declara cu un voz deternina y claro, Krutshof a cuminsa haci riba mesa cu su moketanan, pa Gromyko y e otro delegadonan ruso haci mescos.

Nehru a pidi pa China Comu- nista bira miembro di Nacionnan Uni.

El a recorda cu ta existi un conflicto di frontera entre China y India. Pero e asunto di admision no ta un caso di simpatia of antipatia, pero di derecho.

Nehru a bisa tocante Congo, cu e

sucesonan mas marcante aha ta e fracaso di sistema colonial, cu a lanta Congo den e situacion actual. Nacionnan Uni mester juda e parlamento congoles, cu no ta funciona, di bira un organo util.

Asamblea General of Consejo di Seguridad mester determina un politiek pa Congo. No ta desea pa e organo ejecutivo di Nacionnan Uni bira debil, si decisionnan liber ta necesario asina tantu.

Krutshof kier pa Merca duna desculpa prome cu e tene descurso cu Ike

NEW YORK, 5 oct. — Krutshof a expresa su opinion den un carta dirigi na e 5 delegadonan, cu a presenta un proyecto di resolucion den asamblea general, insistiendo pa cuminsa atrobe e discusionnan entre ambos lider di gobierno, bisando, cu e difficultadnan actual den e relacionnan entre Rusia y Merca por worde conquista. Pero mester reconece claramente e causa dje empooramento dje relacionnan. Krutshof a mostra cu Eisenhower y Herter a admiti, cu e vuelonan dje avionnan U-2 y RB-47 ta parti dje politiek di Merca. Asina ta cu gobierno Mericano a aproba e vuelonan varios biaha, aunke cu su politiek ta un violacion impermissible dje basenan di justicia internacional.

Awor presidente mericano ta den un posicion, den cual ta evidentemete difisil pa e establece un tal contacto cu e lider di gobierno ruso, cu por efectua resultadonan positivo.

Krutshof a bisa cu ta claro, cu e gobierno mericano actual „no tin intencion serio di trata di hanja un solucion pa problemnan importaite pa medio di discusion, basa riba respecto mutuo pa e interesnan dje participantenan na tal discusionnan“.

Krutshof a bisa cu ta Merca sol tin falta dje situacion actual.

El a bisa atrobe ahera noch cu Merca mester ofrece su disculpanan pa e vuelo dje avion orientativo U-2, cu a worde destrui over di Rusia dia prome di mei, prome cu Krutshof tene discusion atrobe cu presidente Eisenhower.

Declaracion di Krutshof den un recepcion dje delegacion hungaro

Krutshof a declara ahera noch na un recepcion dje delegacion hungaro na New York, cu „al fin“ lo bini un conferencia supremo toch.

El a bisa contestando e pregunta,

Oferta di Ahmed Alaqui na Nacionnan Uni

E ministro di informacion di Marrocco, Ahmed Alaqui, a ofrece Nacionnan Uni di establece su cuartel general na Tanger, si Nacionnan Uni kier establece su sitio na un otro luga. Un compania di construccion di Brazil, „Coimbra Bueno“, a manda un rapport detallado pa secretario general Hammarström tocante e posibilidad di construi un cuartel general nobo pa Nacionnan Uni na un distancia di 200 kilometer parti nordeste dje capital nobo brasilenjo, Brasilia.

**Un bunica gesto di Bestuurs-
college di Bonaire
na „Orkaancomité
St. Maarten“**

(Di nos correspondal na Bonaire)
KRALENDIJK, 3 october. — Di nos correspondal di Bonaire nos a ricibi e noticia asina bunica cu Bestuurscollege di Bonaire a dicidi na ofrece na „Orkaancomité St. Maarten“ como ayudo pa damificadonan di St. Maarten e regalo di 500 sacu di cement, mientras e articuloonan aqui lo

ser barca cu prome ocasion di Antillas gratis.

E colegio ta consciente cu e oferta aqui ta chiquito na cooperacion dje danjo grandi cu e isla hermana St. Maarten a sufri, pero nan ta di opinion, cu no obstante nan medidanan limita, siembargo nan go por a queda tras na demostra nan simpatia palpable cu e victimanan dje catastrofe aqui di naturaleza na e isla hermana y nan ta manda esaki acompaña cu di mas mehor deseo pa un pronto reparacion dje danjo ocasiona.

Sancion contra Sto Domingo

WASHINGTON, 4 october. — Diahiernes un comision especial dje organizacion di estadonan mericano lo studia e posibilidad pa tuma mas sancion cu esnan cu nan a dicidi di tuma eba, contra Santo Domingo.

E comision aki, cu a worde encarga na e reunion na San Jose, pa studia

e varios terrenonan riba cual por tuma sancionnan economico y tambe e prohibicion pa exporta material di guerra pa Santo Domingo, a nombra e miembronan dje comision especial aki. E miembronan dje comision ta representantenan di Brasil, Chili, Ecuador, Honduras, Merca, Mexico y Panama.

Mobutu a manda dos tele- gram pa Hammarström

LEOPOLDSTAD, 3 october. — Coronel Mobutu a manda 2 telegram pa secretario general Hammarström di Nacionnan Uni ahera, pa protesta contra e hecho, cu Nacionnan Uni a stroba salida di un grupo di oficialnan congoles hobes pa Europa. E congolesnan tabata bai ricibi un opleiding aia.

UN ANJA MENOS PA HINKADOR

ORANJESTAD. — E waiter W.A.C., cu dia 18 april di e anja aki despues un pleito den Aruba Caribbean Hotel a hinka un coiega cu cuchu den su lomba, a worde sentencia den Promer Instancia pa cuater anja di prison. Corte ahera mainta a kila un anja for di e castigo ora cu nan a duna sentencia. C. a hanja un castigo di prison di tres anja kitando voer-arrest.

Embahadornan ta huesped di Aruba Rotary Club

ORANJESTAD — Tur e participantenan na e conferencia di embahadornan di e Reinado Hulandes den e paisnan Latino Americano lo ta dialuna awor e huesped di Aruba Rotary Club.

Pa e ocasion aki e meeting semanal ta worde teni den Papiament Rom di Aruba Caribbean Hotel enbez, manera ta costumbe, den Trocadero.

Na e reunion aki ta worde spera mas o menos trinta huesped.

Rotary Club mes ta conta cu 50 miembros. Segun reglamento e cantidad di huespednan na e reunionnan semanal no ta mas halto cu tres te cinco.

Bau di e invitadonan tin e.o. e ministro Hulandes di Asuntunan Exterior, mr. J. Luns, e Gobernador y Ministro Presidente di Antillas Hulandes, drs. A.B. Spekenbrink y E. Jonckheer, e ministro, presidente di Surinam, mr. J. Emmanuel y varios otro autoridadnan halto di e isla aki. E reunion lo worde dirigi pa e presidente di Rotary Club di Aruba, sr. H. Oubier.

E conferencia di Embahadornan ta worde teni for di 10 te 12 di october den Aruba Caribbean Hotel.

Ta pa promer biaha cu Aruba ta

ricibi e embahadornan, anja pasa e honor aki a toca Surinam, e anja promer cu esey Corsow.

CARAVANA DI ESTRELLAS DIADOMINGO AWOR

ORANJESTAD. — For di sr. Addison Croes, un di e colaboradornan di e radioemisor „Voz di Aruba“ nos a ser informa cu e radioemisor menciona, en concecion cu su di seis anja di existencia, lo presenta diadomingo awor un berdadera caravana di estrellas cu varios agrupacion musical riba e isla.

Voz di Aruba diadomingo awor ta existi 6 anja y pa e motibo aki lo tene un desfile largo di artistanan local for di 10 or y mei di mainta te 5 or di atardi (estilo marathon). Colaborador den e programa aki ta e siguiente agrupacionnan musical:

Padu del Caribe, Senascacia Musical, Trio Los Aventureros, Trio Los Conquistadores, Tally Lopez, Conhunto Estrellas Musical, Eduardo Curet y su piano, Mariachi Aruba, The Top Platters, Los Casinos, Mariachi Santa Cruz, Trio Huasteca, conhunto Folklorico Arubano, The Aruba Teenagers, Los Wols Wois, The Creole Kats, Boyse Croes y su cuarteto Melodico, The Caribbean Diamonds y Jani Maduro y su Trio.

Voz di Aruba a invita tambe tur e Reineran di e Clubnan social na nos isla. Mirando e cantidad grandi di artistanan y e hecho cu lo no falta interes pa parti di publico nan a dicidi na tene e desfile aki for di Aruba Tivoli Club, for di unda nan lo transmiti teater e programa.

CONOCIDO GRUPO DI BAILE DI CARLOS SILIE E SIMAN AKI NA ARUBA

ORANJESTAD. — E conocido grupo Curazoleño di baile di Carlos Silie lo hin duna presentacionnan diahiernes y diasabra anochi den Sociedad Bolivariana.

E programa ta consisli di no menos cu 11 parti, di cual no solamente bailienan clasica manera e vals for di e „Zwanenmeer“ di Tebalkovsky y „Esnaña Walz“ di Walteufel, pero tambe bailienan di awendia y propio composicionnan manera „Punda“ (22 colaboradores), „Mazurka“ di Edgar Palm.

E grupo hente ta conta cu casi 25 persona, muchanan homber y muher. Musica lo ta a cargo di E-Bar Palm y ritmo e decoracionn manera parti ta di Dick Stolkwijk, Vicky Pieters ta zorg pa e grime, Jan Vermeulen na e „luminacion“, Sisk Klein ta inscienet, Bob Hessels y Carlos Silie a zorg pa e estudio.

Karachi pa e presentacionnan aki ta oblenible na e lugarnan conoci y na norte. Tur dos biaha e presentacion ta cuminsa pa 8 or y mei.

SOFTBALL MENS LEAGUE SOFTBALL

ARUBA SOFTBALL BOND ta presenta den WILHELMINA STADION

Awenochi, 5 di october pa 7.30 or p.m.
Eagle Boys vs. Dakota Braves
Awenochi, 5 di october pa 9.00 or p.m.
Madiki Braves vs. Bestuurskanloor
Entrada: f0.50 hende grandi - f0.25 mucha



Solamente cuater di e diez ganadornan tabata presenta pa 5 or y mei dialuna atardi na momento di busca e premio. Den robes pa drechi, nos ta mira: Francelse Wever (salesmanager L.E.), Lucila v.d. Linden (5), Angelica Dania (3), Austin Peters (cu e chikito F. Spanner) (2) y or ultimo sr. C. Wever (esposa di E. Wever, director La Esperanza) felicitando e promer ganador sr. P. v.d. Linden.

LA ESPERANZA A PARTI PREMIANAN

POS CHIQUITO. — Den presencia di notario mr. C.W.J.J. Heufke e sorteo di e grandioso concurso di La Esperanza Supermarket a tuma lugar diasabra atardi. Mas di 76.000 persona, kendenan cada uno a compra pa un suma di fls. 10,— o mas na comestibles, a hanja e derecho na bisa cuanto botter di Cinzano tin den e kashi poni den La Esperanza Supermarket na Pos Chiquito. Y di e milesnan aki no menos cu 500 persona tabatin e cantidad di botter (224) correcto. Lot e ora ey mester a dicidi kende ta e diez feliznan. E nombenan ta sigi aki hau:

1) Pedro v.d. Linden, Seroc Alejandro 25 (un nevera „Frigidaire“);
2) Austin A. Peters, Village Noord 141 (stoot di gas „Vista“);
3) Angelica Dania, Sembré 10 (set pa sala);
4) M. van Loon, Savaneta 100 A. (1 caha di lechi en polvo, uno di chocolademelk y un di lechi evaporada Friese Vlag);
5) Lucila v.d. Linden, Seroc Alejandro 25 (6);
Junia Croes, Avó 37, 7); Marie Laele, Savaneta 349, 8); Mariniana Gomez, Cunucu Abau 33, 9); Juan Thijssen, Savaneta 311, 10); J. Haakmeester, Savaneta 214. Di cinco te diez premio ta un carton di cerbez Schlitz.

HOF A DECLARA REDACTOR SCHOUTEN DI „CHUCHU- BI“ LIBER

ORANJESTAD. — Corte di Instancia ahera mainta a declara sr. G.J. Schouten di „Chuchubi“ liber di e acusacion di e comete insulta den corant o insulta simpel.

Riba 8 di agosto di anja pasa e corant aki a publica un articulo door di cual sr. J. Hart, hoofdcommissie na duana, a sinti su mes ofendi. Dia 18 di maart di e anja aki sr. Schouten a worde sentencia pa un host di fls. 25,— o 10 dia cera door di corte den Promer Instancia. E huez e tempo ey a hanja cu insulta simpel a keda comproba.

Awor corte a anula e sentencia aki, a haci un investigacion di nobo y a concluy cu e pureba legal y convincente no a keda comproba, motibo pa cual nan a dicidi na declara e redactor liber.

HACIDOR DI BRUHA J. A HANJA DOS ANJA

ORANJESTAD. — E sentencia di e huez den Promer Instancia, a saber dos anja di prison kitando voer-arrest y ponemento na trabou cerca D.O.W. contra e sapate y hacidor di hruha Suramerico C.J., avera a keda confirma door di Corte.

J. e tempo ey a hanja number door di loka pueblo ta jama „Barjo di Paloma“. Dia 13 di mei el a worde sentencia pa e promer huez.



Dol di atras

ORANJESTAD. — Den eja grandi dialuna mainta pa 11 or y 20 A-3717 mancha pa P.R.R. a dal tres di A-5896 mancha pa P.M.R. cu net tabata bai parando. R.K., un pasahero di un di e autonan a hanja un herida na su manishi. Danjo total na e autonan ta fls. 700.—

FATUM — Tel.: 1E45 Pa tur bo asegurado

Es cu no kier tendé...
ORANJESTAD. — Dialuna pa 1 or y mei atardi patrulla a traha proces-verbaal contra chofer J.P.K. kende tabata mancha A-2098 mientras cu su rijbewijs tabata kita.

A perde
Sr. Berth Anje, di Refresqueria Hortencia a perde 5 labi na un reencchi. — Rosalinda Faber di Tanki Leender 68 a perde den No. 1 Store un sacu di papel cu den dje un kaarchi di dokter, 3 botter di remedi, dos janan di anochi y un sapato di mucha. Ivoone Martha di San Pedro hospital a perde un oloshi di damas cu un banchi di oro.



CONVENIO? Premier Lumumba di Congo a publica ultimamente cu el a cerra un acuerdo cu President Kasavubu. Un portavoz di Kasavubu a desconoce esaki positivamente. Sinembargo luego Lumumba a muntra prensa un documento fui cual por a deduci cu en realidad el a cerra un convenio cu Kasavubu.




BAAS TOMMY



y su amigonan di Arubaanse Courant

Ningun hende mester hoga Cualkier hende por usa e medio aki pa salba su mes den awa

Siguiente articulo interesante recientemente a sali den Esso News y tambe a sali den Every Woman's Family Circle na Juni anja pasa y a worde publica tambe den forma condensa na Juli 1960, den edicion di Reader's Digest luna pasa. Numeroso caso di hogamento ta socede den awanan rond di Aruba tur anja — piscadoronan ta bai afor y literalmente ta desaparece se coriente fuerte bao awa na costa di nord tam-



Durante ultimo 25 anja un sistema a worde desaroja cual por preveni murimento den awa. Intenciona pa libra e victima potencial di hogamento for di histeria y tension cu pronto ta agota su energia, e sistema aki generalmente ta conoci bao number di metodo anti-hogamento. Desaroya pa Fred R. Lanoue, profesor di educacion fisico y instructor mayor di landamento na Georgia Institute of Technology, e ta consisti di dos „golpe“ simple: esun pa keda drief y esun pa move p'adilanti.

Usando esakinan, Lanoue a sinja 20.000 hende di tur edad — landador y no landador — con nan mester keda drief hopi ora largo den un emergencia, of con nan por viaja a lo menos un milla sin causa.

E teoria tras di e sistema ta esaki: musculo y weso ta sinki vet y aire ta drief. E proporción di cada un den cuerpo humano ta tal cu ora hende su pulmon ta yen, nobenta y ocho di cien hende hombre y practicamente tur hende muher ta keda drief contra superficie di awa si nan no purba tene nan cabez na laria.

Pa practica e metodo anti-hogamento tanto bo ta colga calmo den un

posicion casi vertical den awa, lagando bo cabez colga, cara abao. Cada pasa algun seconde bo ta lamta bo cabez pa un cambio di aire.

Golpe pa keda drief

1. Hala rosea y mes ora laga bo cabez saak p'adilanti den awa te ora bo cachete ta ariba bo pecho. Reposo henter bo curpa, lagando bo mannan colga. Si bo ta gordo, bo atras ta tendencia pa bini ariba.

Laga un poco aire sali pa bo nanishi y bo ta bolbe den e posicion vertical. Sosoga, colgando den ama-

Algun diañ di banda patras di bo cabez ta sali over di awa.

2. Despues di algun seconde, pero promer cu bo tin mester di aire, cruza calmamente bo brazu dilanti bo cabez, parti adilanti di brazu hunto. Hiza un rudia den direccion di bo pecho, despues extende e otro pia adilanti. Na mes tempo, extende e otro pia bo tras. Move facilmente y cu suavidad asina cu bo ta keda vertical, cabez colgando.

3. Lamta bo cabez rapidamente pero suavemente, y slop mientras bo cachete ainda ta den awa. Mientras bo ta lamta bo cabez, exhala door di bo nanishi, cuminzando mientras bo cara ta bao awa y siguiente segun e ta sali.

4. Caba di exhala; habri bo boca pa inhala. Pa tene bo boca ariba awa mientras bo ta inhala, suavemente laga bo palmanan di man move pafo, y trapa abao ariba e awa cu dos pia. No move mucho vigorosamente sino bo schouder ta sali for di den awa. Bo no tin mester un cambio 100 por ciento di aire; experimento pa sinja exactamente cuanto bo mester.


5. Despues di hala rosea aden, cerra bo boca, laga bo cabez saak ariba bo pecho, bo brazu den direccion di bo rudia. Reposo, laga bo curpa keda los, den e mes posicion manera den Paso 1. Si bo tin tendencia di sinki algun pia bao superficie, ta pasobra bo falta di laga bo brazu saak despues di pone bo cabez den awa. Ora bo mester un otro rosea, sigui atrobe pascanan 2, 3, 4 y 5. Si bo pecho ta sinti preta bao awa, sei bo ta sosega mucho largo of bo no ta exhala bastante profundo. Coregi e factornan aki pa medio di ehercicio repetido.

Golpe pa avanza

1. Hala rosea, sink verticalmente. Mientras bo cabez ta bai abao, pusha suavemente cu bo mannan abao pa aresta cualkier, tendencia pa sink mucho hundo.

2. Laga bo cabez saak p'adilanti. Trece bo mannan na bo frente y laga bo pianan forma manera un sker habri cu e pia patras biza asina halto posible. Esaki ta cuminsa swing bo curpa den un posicion horizontal.

3. Extende bo brazu adilanti y pa superficie, brazanan hunto. E mo-



S.M. REINA JULIANA ENTRE MANNEQUINS



Na ocasion di e congreso anual di e „International Federation of Cotton and Allied Textile Industries“ cu a worde teni na Amsterdam, Reina Juliana a entrega e „Gouden Katoenbol 1960“. Riba e portret: momento cu S.A.R. ta sali for di e „Instituut v.d. Tropen“ na Amsterdam, na unda e ceremonia a tuma lugar.

mento cu nan ta completamente extendi, duna un atapada di sker cu bo pia.

4. Mientras bo pianan ta yega hunto for di e atapada, lentamente laga bo brazu habri pafo y bolbe cerra, completando e golpe cu bo mannan na bo dij. Haci e movimiento cu facilidad.

5. Segun bo ta slip padilanti y p'ariba, tene bo curpa den descenso y bo mannan na bo dij, y cuminsa saca aire afor pa bo nanishi.

6. Ora bo ta ela pa un rosea (no warda te ora bo tin mester di diel), cuminsa bolbe pa e posicion vertical door di saak bo lomba, treciendo tur dos rudia pa bo pecho, lentamente bo mannan pa bo cabez. Sigi exhala door di esaki y paso 7.

7. Sigi swing pa posicion vertical extendiendo un pia dilanti bo y treciendo e otro rudia te na dje. Cruza bo brazu dilanti di bo cabez, e parti adilanti di brazu hunto, palma di man pafo.

8. Awor bo ta cla pa bai pa mas aire. Pene bo pia den forma di un sker habri pa bo pusha bo mes p'adilanti y cuminsa lamta bo cabez. No purba lamta bo cabez sino te ora bo curpa ta vertical.

9. Pa tene bo cabez ariba mientras bo ta hala rosea door di bo boca, suavemente laga bo palmanan di man zwaai patras y pabao y trece bo pianan calmamente hunto. Si bo haya un poco awa den bo boca, scuip'e hoo awa manteniendo bo lipnan firme cerra.

Tito a sali New York awe mainta

NEW YORK, 4 october. — Presidente Tito di Yugoslavia a sali for di New York awe mainta, abordo dje bapor di pasahero „Leonard Du Vinet“.

Maak Een Einde Aan Rheumatiek Terwijl U Slaapt

Indien U aan scherpe, stekende pijn lijdt. Uw gewrichten gezwollen zijn, bewust dat Uw lijed vermindert is door de bereikende pijnvermindering. Andere symptomen van Rheumatiek zijn: Brandende, Jekende Urinewegen, Gestoorde Nachtrust, Ruggijn, Spij, Pijn in de Beenen, Zenuwachtigheid, Duizeligheid, Hoofdpijn, Verkoudheden, Gezwollen Enkels, Krampen onder de Oogen, Gebrek aan Energie en Estuut enz. Gevoel ongedolven kunnen U niet veel helpen—U moet de ziektekiemen, die de gezondheid ondermijnen, doden. Cystex maakt een einde aan deze kwalen door de oorzaak weg te nemen. Haal Cystex bij Uw apotheker onder de garantie, dat U Uw pijn terug krijgt. Indien het U niet helpt. Doe het nu! Binnen 24 uur zult U zich beter gevoelen en geheel hersteld zijn binnen een week. De garantie bescherm U.

..Cystex

Voor Nier-, Rheumatiek, Slaap

MR. H. C. WILLEMSSEN

ADVOCaat

PRAKTIJK HERVAT

NASSAUSTRAT 136



Ook voor u: de HBU

HOLLANDSCHE BANK-UNIE N.V.

WILLEMSTAD - TELEFOON 11340
ORANJESTAD - TELEFOON 1200
SAN NICOLAS - TELEFOON 5000

DURANTE SEPT. — OKT. — NOV.

Carrier

ta ofrece

su aire - acondicionadonan pa un prijs hopi reduci.

Provecha e gran ocasion aki.

Jama na telefon (1878) of pasa cerca nos pa mas informacion.

N.V. ANTILLIAANSE MIJ. GEBR. VAN SWAAY

Fergusonstraat 41 - Dakota - Tel. 1878-1685



NOW...all the paint colors your heart desires




THE SHERWIN-WILLIAMS COLORMETER

IT'S TRULY MAGIC!

Whatever colors you wish—pick them out—see them made! This brand-new color service is yours at our store. And you'll know, absolutely, that you can match any color perfectly now, tomorrow, or next year, if you desire. Another service to you from your Sherwin-Williams dealer. Use it!

MATCH DRAPES, FURNITURE, FABRICS, PERFECTLY, IN A MATTER OF SECONDS!



Hundreds and hundreds of lovely colors—see them on our Colormeter color selector. Choose your favorite. See them made before your eyes. Or borrow our Color Harmony Guide—it's free! Take it home, browse through it, choose colors that make you happiest. We'll make 'em!

ARUBA TRADING COMPANY
TEL. 1930

Patruja TIGER



— No. 17 —

„Mi no ta gusta chanza“, e lider di e bandidonan ta bisa. „pero mi ta segura boso, cu lo mi jena boso yen di bala si boso trata na haci cualkier moef“.

E seis tigernan ta para riba un linja, y ta sinti nan leuw di ta tranquilidad. Un dje companjeronan di Smuigie ta pasa kita tur e cuchunan cu e padvinderan tin, bisando cu esakinan ta juguete mucho peligroso pa poco mucha chikitu asina.

„Kiko bo ta pensa di haci cu nan?“ Lagg ta puntra e lider.

„Laga nos hiba nan den boto prome, despues nos ta dicidi...“ E profesor ta camna dilanti y e patruja ta sigui.

Aunke e muchanan kier trata pa corre bai, e revolver di Smuigie lo stroba nan. Shaw aparentemente no ta costum-

bra cu subi y baha ceru y te hasta si no tabata pa Tarzan e lo a hanja un mal caida. Shaw a slip y tabata cayendo ora cu Tarzan ta saca su mannan potente y ta garele net na tempo.

Smuigie ta nota esei y ta bisa sarcastico „Prof. corda riba e bon obra dje hoben ei! Den reglamento di padvinder nan ta bisa te hasta cu un padvinder ta bon pa animal.“ Lagg cu e otronan ta hari, pero e profesor ta haci un observacion furioso y ta sigui forsa riba e camina.

Mientras tantu Cocky ta sinti manera hende cu a hanja un nachtmerrie. E lider dje patruja ta compondre cu awor si e ta den dificultad grandi. E bandidonan aki no solamente ta poco ladron, pero tambe nan tin un erimen riba nan consenshi... e ta corda riba e homber den e regenjas blauw cu nan a dal cu auto intensionalmente. Cocky te ainda no

a descubri nan secreto, pero e ta compondre cu e descubrimiento dje cueba ta net loke e bandidonan kier a sconde pa nan, y su curpa ta cohe gril ora cu e pensa kiko nan lo haci cu nan awor. E aventura a bira poco mas grandi di loke el a spera, awor e ta desea cu mihor nunca e „palabruanan“ a bin kampeer riba Allivay. E ta controla su muchanan, ata Tarzan ta camna cu eabez firme dilanti Angus MacAlpine ta baha e ceronan manera hende cu ta bai un picnic, e dos rumannan Ollly y Solly, increíblemente tin un sonrisa riba nan cara, y Dope tabata fluit un marcha. Diablos! Cocky ta pensa den su mes, nos ta scapa e aventura aki sigur, y pa ora cu nan ta jega na pia dje ceru Cocky tin confianza trobe den su mes.

E boto di motor dje bandidonan tabata un bon boto di diez meter, y cu hopi espacio den e cabina. E gordo Bullock cu a keda cuida e boto awor ta saludanan cu un sonrisa malicioso. „Boso a cai den tram-pa, he?“ Wel amiguitonan, boso no por bisa, cu nos Smuigie no a spierta boso suficiente!“

„Berdad“, e homber cu bril ta contesta, „Bullock tin razon“, y cu e revolver e ta zwaai

den direccion dje padvinder...“ ter e baranca ta Hmeniet y cu ta e mina di mas grandi cu te cu awor a ser descubri. Si boso ta asina tantu na altura dje mineral aki, anto boso su tambe cuanto balor e tin, pa e fabricacion di avion, otro cos, e mineralnan aki ta pa mi y mi companjeronan, y ningun hende lo stroba nos di explota nan y saca un fortuna for di nan“. Cu esaki e ta dirigi palabranan su companjeronan;

„Asinaaaaa!, huntu cu e subrino di MacAlpine den bo trupa bo ta kere cu bo por ganja nos asina facil?“

Smuigie ta saca un buki cora chikitu for su sacu y ta bira e blachinan. Mes ora Cocky ta reconoce e buki di Dope, den cual e ultimo aki ta scribi tur e puntonan principal di nan kampañmento. „Lagg a hanja esaki den sacu di un di bosonan. „Nos a mira awe piedra-nan pretu masha interesante. Probablemente ta ilmeniet. Den e caso aki tin titanium den vecindario“. Smuigie ta keda weita e muchanan uno pa uno den nan cara. Ora su bista ta topa cu di Dope, esaki ta bira cora, y trata na guli seupi y ta haci su best, bisando cu loke el a scribi ta puro imaginacion, pero cu ta sigur cu no tin nada. „Bah“, Smuigie ta bisa.

„Boso sa masha bon, cu hen-

„Socionan, e muchanan aki sa mucho pa bienestar di tranquilidad di nos alma, y ta net tranquilidad ta un dje cosnan cu nos ta desea pa resto di nos vida. Kiko nos ta haci?“

Lagg ta seupi den laman: „Tira nan mata Baas, mas facil no por“. Bullock ta para patras den e boto ta sacudi su cabez cu e ta di acuerdo cu Lagg.

„Dos votos na favor y kiko nos profesor mes ta bisa?“, Smuigie ta puntra Shaw.

„Mi no ta di acuerdo cu esey; Nada di mata hende, conta mi afor“.

Kende ta papia tambe di matamente, Lagg, ta bolbe bisa. Ta accidentalmente nan a hoga... ora cu nos ta leuw di aki banda, nan cadavernan ta jega terra...“

(E ta sigui)

GRATITUD

Sinceramente nos ta gradiai tur esnan cu a manda flor, regalo of di un manera of otro a demostra nan atencion cu e celebracion di e 40-Aniversario di San Pedro Hospitaal.

Directiva di San Pedro Hospitaal
Comision di Fiesta.

Na Pittsburgh Serie Mundial ta cuminza awe

(Di nos redactor deportivo)

Vernon Law y Art Ditmar a worde anuncia respectivamente door di nan manager DannyMurtaugh y Casey Stengel di Yankees pa habri e partido di awe cu ta duna un comienzo na otro clasico di oktober. Law ta ganador di 20 partida den e temporada, mientras cu Ditmar tin un record di 15 gana y 9 perdi. A stranja e experionan cam Stengel dia Domingo anachi a anuncia cu e lo no usa e zurdo Whitey Ford, manera originalmente tabata su intencion, pero Ditmar pa habri e serie.

Esaki muy probablemente ta loke a pone cu e postamento pa e promer partido ta ala par. Pa benter e serie New York Yankees ta e favorito door di su mayor experiencia den e clase di weganan aki y su poderio na bate. Contrario na Stengel, manager Murtaugh di Piratas no a teme pa anuncia ademá ta cual lo ta su lanzadornan pa e dos proximo weganan. Majan ainda na Pittsburgh e lo usa e derecho Bob Friend y e zurdo Vinegar Mizell pa diasabra den Yankee Stadium. Tambe el a menciona caba cu

ta bien posibel cu diadomingo den Yankee Stadium e usa e otro zurdo Harvey Haddix.

E line-up di Piratas pa enfrenta Ditmar awe lo ta Abridor Bill Virdon, centerfielder, Dick Groat shortstop, Bob Skinner leftfielder, Dick Stuart primera base, Roberto Clemente rightfielder, Smokey Burgess catcher, Don Hoak tercera base, Bill Mazeroski segunda base y Law pitcher.

E shortstop Groat a caba e temporada como campeon den bateo di Liga Nacional, Manager Murtaugh a expresa su mes cu e partido di awe lo ta simplemente uno mas pa su club.

Trinta y tres anja a pasa promer cu Forbes Field, tereno di e Piratanan, weita un Serie Mundial atrobe. Cu e Mulogran di Manhattan ta favorito pa gana e serie den ningun forma a impresiona manager Murtaugh.

kende a bisa cu pa e titulo di Liga Nacional tampoco nan tabata favorito.

Muy probablemente e nuebenan cu lo sali pa Yankees awe merdia ta Roger Maris, Yogi Berra, Mickey Mantle, Bobby Richardson, Bill Showers, Tony Kubek, Hector Lopez, Clete Boyer Art. Ditmar.

SOFTBALL DEN STADION AWE NOCHI

(Di nos redactor deportivo)

ORANJESTAD. — Continuando e campeonato masculino di softball 1960/1961 lo tin awe nochi dos partido den Wilhelminastadion. E promer anuncia pa cuminza 7.30 lo ta entre Eagle Boys y Dakota Braves y e segundo seniala pa 9.15 lo trece den tereno e novenanan di Madiki Braves y Bestuurskantoor. Ningun di e cuatro equiponnan aki a mira accion den e actual campeonato ainda.

Donja Fabiola a bai Madrid

BRUSSEL, 4 oktober. — Donja Fabiola, novia di rey Boudewijn, a bai Madrid awe tardi abordo di un avion militar di Belgica. E rey belga, kende tabata na e aeropuerto di Brussel awe mainta tempran, pa ricibi su huespednan real di Thailand, a tuma despedida dje futuro reina di Belgica ajanan, algun ora despues.

E luna aki mes donja Fabiola lo regresa Brussel. Lo e atende e comento anual dje Banco Belga pa creditonan municipal, na cual e 2.600 alcaldeanan di Belgica ta worde admitti, hunto cu rey Boudewijn.

Cumpleanjos

Ta celebra su feliz cumpleanjos e hobencita Theresita Donati y ta ricibi felicitacion di su mama Maria, tata Mimi, dosw elanan, prima y primo-nan, omio y tantanan Chia, Leonida, Antonia, Jonca, amiga, Rica Franken, especialmente di juffrouw Theresita Tromp.

Ta cumpli 2 anja e chikita Maria Ramona Werleman y ta ricibi felicitacion di su mama Maria, tata Cerilio, rumannan Mario, Jasenta, Betty, Jasinto Ismael, malrina Isenia Geerman, padrino Agustin Yarzagaray, wela-nan, tahta y omionan y demas familia Werleman y Geerman.

Senjora Emilia Farro ta recorda su fecha natal y ta ricibi felicitacion di su esposo Thomas, jiuinan Joanna, Lucia, Stani, Lina, Felix, Beni, Maria, Herman y Jolanda Farro, rumannan Koko, Cheppi, Tolin, Juanita y Doja Ridderstaat, y demas familia Farro. Ridderstaat, especialmente di su 8 ihanan.

A celebra su feliz cumpleanjos e hobencito Valeriano Henriquez y ta ricibi felicitacion di su mama, rumannan Chompe, Thelma, Luci, Mito y Alex na Corsow, Qui, Tico, madrina Martina Hernandez, omio Betto Kelly, wela y welonan tanta y omionan, especialmente di su amiguionan di Kleuterschool na Sta. Cruz y demas familia Henriquez y Vrolijk.

Agenda

ARUBAANSECOURANT
diariamente cu excepcion di diadomingo
Edita pa:
N.V. ARUBAANSE DRUKKERIJ. EN UITGEVERIJ EN PUBLICITEITS MIJ.
Nassaustraat 45 - Orada, Aruba N.A.
Suscripcion /3-- paga adelanta
Edicion suelta 20 ct.

Telefon: 1116 Directiva y anuncio
3116 Redaccion y suscripcion
Directeur-hoofredacteur: G.J. Staartjes
Imprenta na N.V. Drukkerij „De Stad“

CINE

DE VEEB 8.30 „Highway 301“ 18 J.
RIALTO 8.00 „Pistolos de Oro“ 18 J.
PRINCIPAL 8.00 „For whom the Bell Tolls“ 18 J.
AURORA 7.30 „Cell 2455, Death Row“ 15 J.
SAVANITA 7.30 „Panther Girl of the Congo“ 14 J.

WIT-GELE KRUIS

Er. Kwada - Zr. Forpeta. tel. 2220

BOTICANAN DI WARDA

Oranjestad: BOTICA ARUBA 1080
San Nicolas: BOTICA SAN LUCAS, tel. 5119

POSTSLUITINGEN Waensdag

Barranquilla 15.30, Bogota 8.30, Curacao 8.30 & 18.00, EUROPA 8.30 & 15.30, Miami 8.30 & 15.30, New York 8.30, Panama 15.30, Caracas 15.30.

RADIO KELKBOOM

Diarazon 5 di oktober

- 11.30 Opening
11.31 Musica Varia
12.00 Lunchmuziek
12.10 Noticia local na Pap.
12.25 Noticia Internacional y lokal
12.45 Norte Americana
12.55 News in nutshell
1.00 Musica Varia
1.30 Sluiting
4.00 Rancheras
4.30 Noticia na Pap. Lokal-polla y dep.
4.45 Cocktail musical
5.00 Danzones Cubanos
5.15 Musica varia
6.00 Calypso
6.15 Cumple años falls
6.30 Dinnermuziek
6.45 Saludo for di Hulanda
7.00 Noticia na Pap.
7.15 Musica Varia
7.30 Musica Hulanese
7.45 Nieuwsberichten
8.00 Norte Americana
8.15 Lagrimas de una madre
8.30 Progr. di Lechi Evaporada Marca Pet
9.00 Peticiones
9.30 Progr. cu Cha-chacha di Orq. Aragon
10.00 Sluiting.

RADIO VICTORIA

Diarazon 5 di oktober

- 11.00 Apertura
11.15 Mundo Feminino
11.30 Melodias di Merdia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Enueños Musicales
3.15 Cafe con Musica
3.30 Ecos del Cielo
4.00 Musica di Banua
4.15 Eonnan Celestial
4.30 E hora Adventurosa
4.45 Waltznan Favorito
5.00 La hora Nazarena
5.15 Palabranan di Bida
5.30 Interudio Musical
6.00 Ultimas Noticias
6.15 Bo pregunta Contesta
6.30 Noticias Hulanese
6.40 Musica Clasic
7.15 The Bandstand
7.30 Cavalcade of America
8.00 World News
8.10 Off the Record
8.30 Back to the Bible
8.50 Musical Gems
9.00 Light and Life Hour
10.00 World News
10.15 Hymns that Live
10.30 Sign Off

RADIO CARACAS TELEVISION

Miercoles 5 de octubre

- 9.50 Marcha oficial, Himno Nacional.
Presentacion
11.15 Cortos Cinematograficos
9.55 Informacion sobre los Progr. del dia
10.00 El tio Vacaciones
10.30 Cosas de Mujeres
11.30 La Perfecta Ama de Casa
12.00 La C.V.I.R.T.V. Informa a la Nacion
12.05 El gran show de las Doce
1.15 La via Dolorosa
1.30 El Imparital Television
2.00 Puntio y Aparte
2.15 Cortos Cinematograficos
2.30 Club Feminino
3.00 Por el Ojo de la Cerradura
4.00 Estudio de Hector Monteverde
4.30 Club de los Nietos
4.30 Cortos Cinematograficos
5.45 Timoncito
6.00 Cita con Saume
6.30 Cine variedades „Yukery“
7.00 Julian Pacheco
7.07 Que le Parece Compadre
7.15 Alma Rebelde
7.30 Papa lo sabe Todo
8.00 El Observador Creole
8.15 La Rival
8.30 Stampas Criollas
9.00 La Matada
9.15 Amador Bendayan en T.V.
9.30 Camioneros
10.00 La Hora del Sindicalo
11.00 Cine-programa
12.25 Informacion sobre los Programas de
Naciona
12.30 Marcha Oficial, Himno Nacional
Despedida



See the new AUSTIN A40 AT
WARENHUIS v.d. REE LA VICTORIA Distributors

NOS A CABA DI RICIBI: laba plato PRINCESS



E ta indispensable den bo cas. SOLAMENTE Fl. 269.- PA'RIBA
ARUBA TRADING CO.



'BLACK & WHITE' SCOTCH WHISKY

E. F. DEBROT INC. SOLE DISTRIBUTORS

KLOMPEN aruba CARIBBEAN
Invites you to A NIGHT ON THE TOWN
Friday October 7th, 1960
Have a delicious dinner

MENU

- Fresh Fruit Cocktail Supreme
Manhattan Clam Chowder
Filet of Dover Sole Meunier
Spring Chicken Sautéed in Brandy
Pommes Parisienne
Buttered String Beans
Tossed Salad
Demi Tasse \$ 3.00

Dance to Jorge Fasola's Orchestra, See our exciting Floor Show

Featuring This Week: Jill Allen and the Flamenco Dances of Emilia & Antonio.

KILL FLIES... at the touch of a button



No Fuss... No Mess... Just Press
MANSUR TRADING COMPANY
Tel. 1050 - 1051



AVON Deep clean CLEANSING CREAM

Gently, quickly the fine oils and moisturizing ingredients reach every pore and leave the skin smooth, clean and refreshed.

AVON cosmetics LONDON NEW YORK

World's largest cosmetic manufacturers. BETTER SHOPS SELL AVON - THE FINEST COSMETICS

Agente: BAARDE TRADING CO. (Aruba) N.V. Tel. 1617 - 2077.

Ora bo jega cas for di school
OVALTINE

Un Solicitud Matrimonial pa TUYUCHI

No. 18

„Bo tin razon?“, Fredy a bisa profundamente bao di impresion dje circunstancia actual. „E ta tuma bo haci ken. Y na e ora di dia aqui.“

wood a puntra. „Basta n' ta un dje mucha muhenan di Stowe. Esun cu e cara di konenchi?“

„Naturalmente cu no. Bo n' conoce mi venedera esposa. Nunca ainda e no a bini London. Ajera m'a rapie.“

Awor mr. Ringwood a bula grita: „Ai no, Sherry. Mester ta wega bo ta haci. Mi n' por quere e cos ei. Abo lo no haci semchante cos guaca.“

„Y sin embargo m'a hacie“, e condé a responde.

Mr. Fakenham a propone: „Si bo bai awor na Gretta Green? Aya pa

rehanan cu a hui bai lo por casa inmediatamente sin dificultad.“

„Ai stop. E asunto ta basta fastioso caba riba su mes.“

Mr. Ringwood a tosa un ratu. „Tende, Sherry. Mi no quier entremete mi den bo asunto. Ma basta n' ta cu e yiu dje hardinero bo tin idea di casa?“

„No. no y trobe un bez mas no. E mucha muhe aqui ta Wantage y e ta sali di un bon familia. Si tata tabatin kestion ultimamente cu su familia y awor e pobel ta biba foi generosidad di otro-nan.“

El a ser educa pa un tanta di dje cu ta Senjora Bagshot. Bo conoce familia Bagshot, no?“

„Unbez mr. Fakenham a bula lanta. „Si e ta un Bagshot, anto ami lo no quier casa cune, Sherry. Esel ta fatal. Bo sa cu e persona ei ta binj awor eu un tercer yiu muhe cu e quier busca un esposo p'e? Ur ta paar cu otro.“

„Mi conoce nan mucho bon. Pero Hero no ta parce ni famia di su primanan. Esel bo por acepta di mi.“

„Quen?“ Fredy a puntra interesa.

„E mucha muhe cu mi ta bai casa cune su nombre ta Hero.“

Fredy a queda ta mira asombra. „Paquiro bo ta jame Hero?“

„Asina ta su nombre“, Sherry a responde impaciente. Mi ta comprende cu esei ta un nombre stranjo, pero a lo largo no ta mi a bautize cu e nombre ei.“

„Otro cos, Sherry. Ta na unda e mucha muhe ei ta awor aqui?“ mr. Ringwood a puntra cu curiosidad.

„Na Hotel Grillen. Mi n' tabata sa na unda otro lo mi mester a hibe. M'a ganja nan aya cu e ta na caminda pa Bath y cu ta su camarera a quibra pia.“

„Quibra pia?“ Fredy a informa cu interes. „Mi tabatin un tanta...“

„Por favor. Stop awor di ta haci wega den mi situacion actual. „E no a bini eu camarera...“

to ta hustamente como e no tabatin camarera.“

„Asina m'a cuminza mi asunto. Gil bo n' por bisa mi ta na unda mi por hanja un camarera den pura?“

„Esei e mas toch lo por hanja“, mr. Ringwood a responde. „Bridegroom ta percura pa un butler, pero no pa un camarera.“

Desgusta Sherry tabata sagudi cahez.

„Boso no ta comprende nada di mi situacion. E mucha muhe cu m'a rapa ta un mucha ainda sin idea di nada absolutamente. Ta un mucha cu a caba di quita seool.“

Mr. Ringwood a queda ta mire sospechoso. „Tende, bru, basta cu n' ta wega bo ta haci y b'a saca un mucha di seool foi cas?“

Un poco confundido e condé mester a reconoce cu ainda e mucha muhe a qui no a haci 17 anja.

„Wel, spera anto e rumornan cu ta bini.“

to cu el a salba foi un encargo y su gastu lo ta metos. Si mi no a interveni den e asunto aqui lo e a manda e mucha pa bai bira gobernante na Bath. Mi conoce e mucha ei hopi y m'a chanza semper masha hopi eune y mi por dune un felicitacion mes bon cu cualquier otro muhe.“

Esei tabata awor di mas pa Fredy y el a bisa:

„Wel, si, pero cu un mucha asina bo n' por casa. Unda bo ta larga Isabella?“

„Isabella a reehaza mi redondamente. E no quier tende nada di mi. El a insulta mi y zundra mi pa tur sorto di cos na mundo. Pues como mi quier y mester esca, mi a haci di casa cu Hero. Unda mi por hanja un vergunning matrimonial special?“

Afortunadamente na e momento ei camarero di mr. Ringwood a camna dreuta.

„Ai no. E tanta bieju lo ta conten-

POWDERED WHOLE MILK
Imported by: F. & G. MARTIN (Aruba) I.T.D. Tel: 1492 - 1493

CISCO KID

1. „Duke ta listo, lo e quere cu su estúpido imitador ta pasa di un cas pa otro. Awe-nochi nos lo asalta aki!”
 2. „¿Quico?” „Tira e arma ey abou!”
 3. „E no ta mira awor... mi ta huy!”



JUAN EL INTREPIDO

1. „Qui horror! Nos a perde tur cos... ylot... pasaheronan...” „Ainda ta queda dos cabayo. Yumi! Tan pronto nos descansa. 2. „Y mas afordio...” „Ya mi ta pisa fondo. Tavita! Nos a salva!” „Gracias a Dios! Y cu bo ayudo... Bongo...”



DICK TRACY

1. No tira! Lo mi rebaha e mil pa 500. den serio? 2. „McImage... ta preti! Bo a tana e pineapple riba enkel di mi senjora. Bo tambe ta un conspirador mescos cu nos. Wel, mi por entrega bo na polis!” 4. „No ta costumber di Spots pa laga un hende bay, cu a trata di tumbele. Sali tor di e flat aki, somenta, mi ta bisa bo, mehor ainda, sali di e ciudad aki!”



RIP KIRBY

1. „Con bo por hanja placa for di djé, Vic?” „Su tata a gana un fortuna bendiendo refrigeradores y lo e duna mi algo.” 2. „Tur cos ta ruina... y ami cu a bisa cu mi ta bay proba cu mi por triunfa mi sò!” 3. „Cual ta bo proposicion, Kirby?” „Lo mi haci un contract cu bo, Ferret...”



EL PRECIO DEL TRIUNFO

1. „Si, Sr. Saxon, nos tabatin un averia den e linea! Algo mas, e horecan ey a corta e linea di larga distancia den dos punto pa e banda aki!” 2. „Aki y aki. E la interrumpi e servicio parti noord y parti zuid!” 3. „Cu otro palabra, e jamá ey mester a bini di un sitio entre e dos punto nan aki!” „Asina ta parece. Si mi tabata abo, lo mi ab ay na e partinan ey! Nos hendenan aya lo juda bo tur lo que nan por!”




EL DIARIO DE UNA VIDA

1. „Ora bo a sali cu Miguel den e corredor...” 2. „Aha?” 3. „Mi a lubida lo que mi tabata bay puntra bo.”



PEPITA

1. „Mi quier un bonita bata di drumi di flanel pa mi esposa...” 2. „Qui estatura e tin?” 3. „E ta jega te aki!” 4. „Asina lo mi haci tambe si e regala mi un bata di flanel!”



Na drechi: Valioso trio familiar di Marlboro, e tres Wilson-nan: joe Papin, campeon estafador, tata Long Gun, campeon maager y jioe Lioel, segundo den wega gana. Na robz: Luis Ogenio, campeon bate di L.S.P.

Luisito Ogenio campeon den bateo na L. S. P.

(Di nos redactor deportivo)

ORANJESTAD. — E zurdo priera base di Marlboro, equipo cu a cuba di gana e titulo di campeon di Lago Sport Park 1960 pa baseball AA, Luisito Ogenio cu na amplio deferencia ariba e number dos, a termina como campeon den bateo individual di e torneo menciona.

Den 22 turno oficial na bate Ogenio a colecta un total di 10 hit pa un promedio di .455. Por cierto Ogenio tabata e mas consistente bateador di e torneo y unico cu tabata un amenaza serio cada biaha cu e tuma turno na bate. Durante e torneo bateo no tabata un di e mihor puntanan y tabata tin hopi wega cu masha poco hit.

Di e nueve mihor bateadornan di e torneo, cuatro ta pertenece na e novena di Marlboro loke ta proba cu no ta por nada nan a obtene e titulo di Lago Sport Park.

E nuebeenan cu a termina cu mihor average den bateo individual ta:

AB	H	AVE.	
Luis Ogenio, Campeon, (Marlboro)	22	10	.455
Hudson J. (Heineken's)	18	6	.333
J. van der Biezen (Marlboro)	19	6	.310
G. Illidge (Heineken's)	29	9	.310
S. Bryan (Heineken's)	24	7	.292
Feki Caster (Marlboro)	19	5	.263
Papin W. (Marlboro)	23	6	.261
M. Hamlet (Nesbitt)	24	6	.250
Juan Panneflek (Sta. Cruz Stars)	22	5	.227

Den e division di base roba nos ta haoya Papin Wilson di Marlboro y H. Violenus di Heineken's empatada den e primer luga cu 7 robo cada uno. Simeon Bryan di Heineken's a keda segundo cu cinco robo exitoso.

Den e division di pitcheo individual, wega gana, nos ta hanja e cervero A. Bryson cu tres victoria den primer luga, Geo Guerrero di Nesbitt, Lionel Wilson y Ro Agumbero ambos di Marlboro ta sigi cu dos victoria cada uno.

Tata cu dos jioe den equipo campeon
Algo cu sigur no ta di tur dia den

PETRONA & CROFS
Dakota - tel. 1712-1619
PA TRAHA PLAN DI CONSTRUCCION, BESTEK Y BEGROTING.

nos baseball ta cu den fila di Marlboro tin un trio cu a haci hopi pa e novena cigarillero gana e titulo na Lago Sport Park. Nos ta referi na e manager Long Gun Wilson, kende a obtene su primer titulo, y si dos jioenan Papin y Lioel. E dosnan aki tabata tin destacada actuacion durante e torneo. Papin a cuba den primer puesto di base roba y tambe den e mihor nuebeenan cu e bate Lioel su dos victorianan a duna e mihor record den su equipo di e staff di pitcher.

Fecha pa presentacion di trofeonan y premionan individual di e torneo aki no ta conocida.

Masha ladronica na Katanga

ELISABETHSTAD. 4 october. — Un prohibicion estricto di sali a worde proclama na e distrito Elisabeth na Elisabethstad, Katanga! Parce cu ta trata di un medida contra e hopi hortamentu cu ta tuma luga aya. Ta prohibi pa sali riba caja anochi despues di 12'or, sin un carta di permiso di autoridatnan. Varios europeo, cu no a tene cuenta cu e prohibicion aki, a worde conduci pa wardanan di poliz, pa nan legitima nan mes.

Gland Discovery Restores Youth In 24 Hours

Sufferers from loss of vigor, nervousness, weak body, impure blood, falling memory, and who are old and worn-out before their time will be delighted to learn of a new gland discovery by an American doctor. This new discovery makes it possible to quickly and easily restore vigor to your glands and body, to build rich, pure blood, to strengthen your mind and memory and feel like a new man in only 3 days. In fact, this discovery which is a home medicine in pleasant, easy-to-take tablet form, does away with gland operations and begins to build new vigor and energy in 24 hours, yet it is absolutely harmless and natural in action. The success of this amazing discovery, called VI-TABS, has been so great that it is now being distributed by all chemists here under a guarantee of complete satisfaction or money back. In other words, VI-TABS must make you feel full of vigor and energy and from 10 to 20 years younger, or you merely return the empty package and get your money back. VI-TABS costs little, and the guarantee protects you.

Vi-Tabs
Restores Manhood and Vitality

Dennis, de schrik van de buurt!



„Daar, bloemetjes voor je vrouw. Ik hoop dat de melk morgen lekkerder is!”
„Tuma, ata floran pa bo muhe i mi ta spera cu majan e lechi lo ta mas dushi!”

HOROSCOOP


di awe

ARIESNAN
11 Maart — 21 April




Si bo topa riba caminda cu estorbonan, queda calmo y paciente y haci uso di bo sintir.

TAURISNAN
21 April — 21 Mei



Haci uso di bo pacensi natural na cada crisis cu por presenta awe den bida priva.

GERMINENAN
22 Mei — 21 juni




Awe ta e dia cu lo bo topa cu contradiccion y desenganjan. Anochi lo bo tin exito.

CANCERNAN
22 Juni — 23 Juli



Principalmente mainta bo mester ta masha prudente cu accidentenan. Evita tur kestion.

LEONAN
24 Juli — 23 Augustus




No haci nada cu por existi mucho di bo salud, entre otro weganan deportivo.

VIRGONAN
24 Augustus — 23 September



Si acaso bo no ta protega contra tur posibilidadnan bo spera desenganjo financiero awe.

LIBRANAN
24 September — 23 October



Awe lo no ta un dia alegre pa bo. Cuidado cu accidentenan na bocas. Sea prudente.

SCORPIONAN
24 October — 22 November



Sea prudente riba caminda. Te anochi tin chens riba mehoracion. Romantica ta goza di apoyu.

SAGITARIUSNAN
23 November — 21 December



Pone bon vigilancia riba gastu y percura di no fia, maske amigunanan tumbo na malu.

CAPRICORNUSNAN
22 December — 20 Januari

Sea fuerte den tur casonan di contradiccion y desenganjo, pasobra tur ta pasahera.

ACUARIUSNAN
21 Januari — 19 Februari

E peligro di accidentenan ta queda existi aardi. Sea prudente di minimo cos por hiba bo hospital.

PISCES
20 Februari — 20 Maart

Sea prudente cu loque bo ta pone pretu riba blancu. E mehor chensnan di negoshi ta atardi pa anochi.